


INFORMACIJA O PODNESENIM GODIŠNJIM FINANSIJSKIM IZVJEŠTAJIMA POLITIČKIH STRANAKA ZA 2015. GODINU, SA PREGLEDOM IZVORA NJIHOVOG FINANSIRANJA

Zakonom o finansiranju političkih stranaka („Službeni glasnik BiH“, broj 95/12), u članu 12. stav (1), propisano je da su političke stranke dužne voditi evidenciju o svojim prihodima i rashodima, te Centralnoj izbornoj komisiji Bosne i Hercegovine podnijeti finansijski izvještaj za svaku kalendarsku godinu (računovodstvenu godinu). Finansijski izvještaj se, u skladu sa odredbom iz člana 12. stav (3) ovog Zakona, podnosi do 31.3. naredne godine, u formi koju je Centralna izborna komisija Bosne i Hercegovine propisala Pravilnikom o godišnjim finansijskim izvještajima političkih stranaka („Službeni glasnik BiH“, broj 96/13).

U vezi sa navedenim Centralna izborna komisija Bosne i Hercegovine je objavila saopštenje za javnost, te uputila akt svim političkim strankama, broj: 03-07-6-211/16 od 03.03.2016. godine, kojim ih upozorava na zakonsku obavezu podnošenja godišnjeg finansijskog izvještaja za 2015. godinu do 31. marta 2016. godine.

Godišnji finansijski izvještaj za 2015. godinu podnijelo je 105 političkih stranaka ili 77,78% od ukupno 135 političkih stranaka, koje se vode u evidencijama Centralne izborne komisije Bosne i Hercegovine. U **Tabeli 1.**, koja se nalazi u prilogu, navedene su političke stranke koje su podnijele godišnji finansijski izvještaj, sa datumom podnošenja istih.

Godišnji finansijski izvještaj za 2015. godinu, Centralnoj izbornoj komisiji Bosne i Hercegovine nije podnijelo 30 političkih stranaka, što čini 22,22% od ukupnog broja stranaka. U **Tabeli 2.**, iz priloga navedene su političke stranke koje nisu podnijele godišnji finansijski izvještaj.



Grafički prikaz podnesenih finansijskih izvještaja za 2015. godinu

Političkim strankama koje nisu podnijele finansijski izvještaj propisan odredbama iz člana 12. stav (3) Zakona o finansiranju političkih stranaka, Centralna izborna komisija BiH će uputiti urgenciju za dostavljanje istih, čime im se u skladu sa odredbom iz člana 14. stav (3) Zakona daje prilika da prije izricanja kazne ili preduzimanja administrativne mjere, dobrovoljno postupe i dostave finansijske izvještaje.

U skladu sa odredbama člana 3. stav (1) Zakona o finansiranju političkih stranaka, političke stranke se mogu finansirati iz:


- a) članarina,
- b) dobrovoljnih priloga pravnih i fizičkih lica,
- c) izdavačke djelatnosti, prodaje propagandnog materijala i organiziranja partijskih manifestacija,
- c) prihoda od imovine u vlasništvu političke stranke,
- e) budžeta BiH, entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave u skladu sa zakonom,
- f) dobiti od preduzeća koja su u vlasništvu političke stranke i
- g) kreditnog zaduženja kod banaka.

Prema podacima iz finansijskih izvještaja, političke stranke su se u 2015. godini finansirale iz sljedećih izvora:

(1) Prihodi	Iznos	Struktura
- Članarina	1.470.419,05 KM	7,09 %
- Prilozi fizičkih lica	1.194.551,27 KM	5,75 %
- Prilozi pravnih lica	1126.789,00 KM	0,61 %
- Prihodi od imovine političkih stranaka	695.747,40 KM	3,35 %
- Dobit od pravnih lica u vlasništvu stranke	0,00 KM	0,00 %
- Prihodi od poklona i usluga što ih stranka nije imala obavezu platiti	298.955,02 KM	1,44 %
- Prihodi iz budžeta	16.876.490,80 KM	81,33 %
- Prihodi od izdav. djelatnosti, prodaje prop. materijala i organiz. stranačkih manifestacija	0,00 KM	0,00 %
- Osta li prihodi	87.875,64 KM	0,42 %
Ukupan prihod	20.750.828,18 KM	99,99 %
(2) Kreditno zaduženje	2.223,98 KM	0,01 %

Podaci o izvorima finansiranja svake političke stranke pojedinačno, te struktura prihoda, navedeni su u **Tabeli broj 3.**, priloga.

Struktura finansiranja političkih stranaka u 2015. godini, predstavljena grafički, izgleda na sljedeći način:



U prilogu su dati tabelarni pregledi, sa podacima o političkim strankama, koje su podnijele godišnji finansijski izvještaj za 2015. godinu, skupa sa njihovim izvorima finansiranja. Takođe, dat je i pregled stranaka koje nisu podnijele izvještaj.

Sastavni dio informacije su i finansijski izvještaji političkih stranaka, koji se objavljuju na web stranici Centralne izborne komisije BiH, u skladu sa odredbom člana 13. stav (5) Zakona o finansiranju političkih stranaka i odredbom člana 29. stav (1) Pravilnika o godišnjim finansijskim izvještajima političkih stranaka.

PREGLED TABELA:

- Tabela 1 - Pregled političkih stranaka koje su podnijele godišnji finansijski izvještaj za 2015. godinu
- Tabela 2 - Pregled političkih stranaka koje nisu podnijele godišnji finansijski izvještaj za 2015. godinu
- Tabela 3 - Struktura izvora finansiranja političkih stranaka u 2015. godini
- Finansijski izvještaji političkih stranaka za 2015. godinu